

孟子精義

一

1599
1

早稻田大學附屬
圖書館

第一
精義
孟子
卷

此書館不外許帶出



口口口
1.599
1-4

孟子精蘊

孟子作者



加賀太田元貞公幹



司馬遷曰与萬章之徒序詩書述仲尼之意作孟子
七篇 趙岐曰孟子以儒術游於諸侯莫能聽納其
說於是退与弟子公孫丑萬章之徒疑難問答又自
撰濟度之言著書七篇凡二百六十一章三萬四千
六百八十五字秦楚經籍其書号為諸子得不泯絕
姚信曰孟子之書將門人所記非自作也故其志行
多見非惟教辭而已韓子曰軻之書非自著既沒萬

章公孫丑記其言耳

孟子正義林謹思續孟子書二卷謂孟子七篇非軻
自著乃弟子共記其言與韓文公之說同

晁說之曰按此書韓愈以為弟子所會集非軻自作
今改其書則知愈之言非妄發也書載孟子所見諸
侯皆稱謚如齊宣王梁惠王梁襄王滕定公魯平公
是也夫死然後有謚軻著書時所見諸侯不應皆死
且惠王元年至平公之卒凡七十七年孟子見惠王
王目之曰叟必已老矣不見平公之卒也故予以愈
言為然

王伯厚曰孟子集注序說引史記列傳以為孟子自
作韓子曰軻之書非自著謂史記近是而滕文公首
章道性善註則曰門人不能書記其詞又第四章決
汝漢註曰記者之誤吳伯豐以問朱文公公對曰
前說是後兩處失之熟讀七篇觀其筆勢如鎔鑄而
成也非綴緝所就也

孟子篇數

藝文志孟子十一篇應劭曰孟子作書中外十一篇

外篇四篇

性善辨文說孝經為正

按漢儒引孟子多佚於今之孟子者則是皆外篇之
言予荀子所引三見齊王大畧亦是外篇之所載乎然
外篇之言趙岐疑其馭難則胡元瑞所謂十一七之
字之誤矣筆叢或近是子

孟子受業

司馬遷言孟子受業於子思之門人列女傳趙氏注
孔叢子皆言孟子親學於子思二說亦異孟子言予
未得為孔子徒也予私淑諸人也二書之言非
非孟書

荀卿非十二子性惡 王克刺孟 馮休刪孟

司馬公疑孟 晁以詆孟 李觀常語

鄭叔友藝圃折衷 黃次復評孟

大宰夫孟子論

尊孟書

余隱之尊孟辨 朱憲讀尊孟

孟子字

王伯厚云孟子字未聞孔叢子云子車注一作子居
，貧坎軻故名軻字子居亦稱字子輿疑皆傳會
聖證論云子思書孔叢子有孟子居即是軻也傳子
云孟子輿

孔穎達曰孟軻鄆人也當六國之時師事孔子之孫子思

劉昌詩蘆浦筆記孟子題辭又有外書四篇性善辨文說孝經為正予鄉新喻謝氏多藏古書有性善辨一帙則知与文說孝經為正是謂四篇

仁義

仁者親愛之德也義者裁制之德也擴充惻不忍之心無所不愛者仁也擴充羞惡不為之心無所不宜者義也 中庸云仁者人也親為大義者且也尊

賢為大孟子云親仁也敬長義也又云貴尊賢其義一也下文未有仁而遺其親者也未有義而後其君者也仁義以君親言則仁者愛親也義者敬君也開卷仁義以愛敬解之孟子原意也 一知休也 愛親仁也敬君義也 白黑六辨又少孟子也 仁 愛民仁也尊賢義也 愛人仁也正己義也 愛而賞仁也惡而罰義也 愛民仁也利民義也 愛民仁也正民義也

第一章總論

天下之親者莫親於父子也雖然父在則子不得自專矣如欲縱恣廢私則至願父死焉天下之睦者莫睦於兄弟也雖然爭國奪家之心生則弟至願兄死焉孟子云親之仁也敬長義也利心一生則仁義皆廢仁義与利心如冰炭白黑之相反也孟子生於利欲橫流之世而欲主張仁義矣故開卷第一破利之一字以說仁義其旨遠矣孔子曰君子喻於義小人喻於利義利二字判君子小人大學云國不以利為利以義為利也孟子遠則繼夫子微言近則承大學

遺意孟子卷首与大學卷末意義相接後義而先利乃大學之外本內末也不奪不廢乃大學爭民施奪予於是乎知大學之書出於子思若樂正子春之輩矣

叟

叟從疒則瘦癯之瘦老者必瘦癯故瘦叟為長老之稱郝氏嘗有此說

不遠千里

亦逆周書太子晉解(不遠)長(道)而求一言又云(遠)(人)(來)(驩)(視)(道)(如)(尺)

告子(不遠秦楚之路)

亦

亦者亦時之利國者也

離婁善戰者連諸侯者辟草萊任土地者

告子為君約與國戰必克為君辟土地充府庫者

是當時利國者也

有仁義而已

賈誼新書心兼愛人謂之仁反仁為戾行克其且謂

之仁反仁為戾行克其且謂之義反義為悖

董子繁露仁之法在愛人義之法在正我

惻隱為仁羞惡為義

莊子徐無鬼愛利出乎仁義

愛人是仁利人是義

義利

荀子大畧義與利者人之所兩有也雖堯舜不能去

民之欲利也然而能使其欲利不克其好義也雖桀

紂亦不能去民之好義然而能使其好義不勝其欲

利也故義勝利者為治也利克義者為亂世上重義

則義克利上重利則利克義

征利

貨殖傳序天下熙熙皆利來天下壤壤皆為利往
文王官人征利而依隱於物曰貪鄙者也盧辯曰征
行也

萬取千取百

王制曰中士倍下士上士倍中士下大夫倍上士卿
四大夫祿君十卿祿

後義而先利不奪不履

大學德者本也財者末也外本內末爭民施奪與此同意
荀子柔辱柔辱之大分安危利害之常体先義而後
利者采先利而後義者厚又王霸巨用之者先義而

後利焉小用之者先利而後義焉

未有仁而遺其親者云

公孫丑上遺佚而不怨大禹謨野無遺賢

中庸仁者人也親之為大孟子親之仁也

又云仁之實事親是也

論語君子篤於親則民興於仁

晉語愛親之謂仁

論語不仕無義君臣之義如之何其可廢也君子

之仕也行其義也

滕文公君臣有義

賢者亦樂此乎

雪宮章(賢者亦有此樂乎)

韓詩外傳齊景公縱酒而解衣冠鼓琴以自樂顧左右曰(仁人亦樂此乎)左右曰仁人耳目猶人何為不

樂乎

靈臺

毛傳神之精明者稱靈蘇氏曰靈善也

魏書鐘錄傳靈臺所以觀天文

不日成之

趙岐鄭玄不設期日而成之原于賈誼新書引此詩曰弗期而成晦庵以為不終日也按詩中不日本有西義終風且曠(不日有曠是不終日也)君子于役不日不月是無期日也故古今注象異同如此

濯之鶴

相如傳濯(之)之麟游彼靈時文穎曰濯之肥也

毛詩作(鵠)新書作(鰲)何晏景福殿賦作(確)共不如孟子之妙也鶴木潔白之鳥故假為潔白貌詩

云倉庚子飛熠燿其羽熠燿萤火也假為鮮明貌交
桑扈有鶯其領鶯黃鳥也假為文章貌此皆此例
也楊用脩曾有此說

於叔魚躍

平準書用充(伋)新秦中

子虛賦萬端麟萃充叔乎其中

廣雅充叔滿也史記作伋

与民偕樂

梁惠王下文王之園方七十里芻蕘者往焉雉免者

往焉(与民同之)

或引之解与民偕樂非也

齊王好樂章今王(与百姓同樂)則王矣又云(与民同)

(樂)也雪宮章(不与民同樂者亦非也)

明堂章王如好貨(与百姓同之)於王何有

王者仁政制民之產仰足事父母俯足養妻子民

樂于下君樂于上是与民偕樂也

好樂章(与民同樂也)雪宮章(樂民之樂者)

時日善喪云

鄭康成曰樂見民欲叛乃自比于日曰是日何嘗也

乎日若亡喪我与汝亦皆也引不亡之徵以脅下民

偽孔安國曰比桀於日曰是日何時喪我與汝俱亡
欲殺身以喪桀

趙岐曰時是也日乙卯日也害大也言桀為無道百
姓欲與湯共伐之

三說皆不明哲

三畧有德之君以樂樂人無德之君以樂樂身樂人
者久而昌樂身者不久而凶

寡人

老子人之所惡孤寡不穀而王公以為稱
又云貴以賤為高本高以下為本是以侯王自謂孤

寡不穀

戰國策顏觸亦曰孤寡者人之困賤下位也而侯王
以之自謂

左傳襄二十七年齊崔杼生成及強而寡杜預曰

偏袒曰寡寡特也

偏卷

男女可通而稱寡矣

孤寡無告之窮民王侯謙以自稱為寡德之人陋

不穀矣

盡心焉耳焉

與下章盡心力同

王制刑者一成而不可變故君

子盡心焉詩序思見君子盡心以事之亦同義也

唯是致盡其心耳盡心知性與此異義

稱民

凶荒之政見于周禮大司徒廩人士師之職

不違農時以下

舜典曰食哉惟時

王制木不中伐不鬻於市禽獸魚鼈不中殺不鬻於市又云草木零落然後入山林

逸周書山林非時不升斧斤以成草木之長川澤非時不網罟以成魚鼈之長不麝不卵以成鳥獸之長逸周書又云豈聞禹之禁春三月山林不登斧斤以成

草木之長夏三月川澤不入網罟以成魚鼈之長

荀子王制草木榮華滋碩之時則斧斤不入山林不天其生不絕其長也龜鼈魚鱉鰭鱠孕別之時網罟毒藥不入澤不天其生不絕其長也春耕夏耘秋收冬藏四者不失時故五穀不絕而百姓有餘食也汗池淵沼川澤謹其時禁故魚鼈優多而百姓有餘用也斬伐養長不失其時故山林不童而百姓有餘材也聖王之用也皆與孟子發

畝之宅狗彘之畜

食貨志田中不得有樹用妨五穀還廬樹桑鷄豚狗

疏毋失其時女修蠶織則五十可以衣帛七十可以食肉

舜典禹平水土棄作后稷播百穀契作司徒敷五穀
臯陶作士明五刑九官次序經濟之本也后稷富民
司徒教民教之所不及刑以正之

滕文公篇論禹益稷契其次序一原舜典此假之意
亦同孔子曰富之教之

管子曰衣食足而知榮辱倉廩充而知禮節

班固曰食足貨通然後國實民富而教化成皆原舜
典然則古之養民先富然後教聖人之經濟如此而

已

禮記王制五十始衰六十非肉不飽七十非帛不煖
九十雖得人不煖

荀子大畧不富無以養民情不教無以理民性故家

五畝宅百畝田務其業而勿奪其時所以富之也立
大學設庠序修六禮明十教所以導之也詩曰飲之
食之教之誨之王事具矣

禮記王制班白者不提挈

祭義班白者不以其任行乎道路

詩小雅有其頭

荀子堯問顏色(黎)而(黑)而不失其所注黎讀為(梨)謂面如(凍)(黎)之色者也

盡心所謂西伯善(養)(老)者制其田里教之樹畜導其妻子(使)(養)(其)(老)

不知檢

王伯厚云止齊曰人多言常平出漢耿中丞顏師古以壽(留)為權道豈知常平蓋古制孟子言狗彘食人食而不知檢塗有餓莩而不知發今本作檢班氏食貨志作欵是也夫豐歲不欵饑歲不發豈所謂無常平乎

鶴林玉露檢一本作欵此說極妙孟子地儉於百里趙世家齊之北地欵於三百里檢欵之通与此同狗彘食人食所謂粟歲粒米狼戾是也不知欵者不知收欵以貯蓄之也塗有餓莩所謂凶年飢歲老羸轉于溝壑是也不知發者不知發倉廩以賑貸之也豐年欵之而凶歲發之也魏李理(平)(羅)(之)(法)漢耿壽昌(昌)(平)(常)(平)之倉隋長孫平杜唐戴胃(義)(倉)皆得此意者也

周禮云以年之上下出欵乃聖人之制也

漢書食貨志贊莩作(莩)

始作俑

礼記檀弓塗車芻靈自古有之明器之道也孔子謂為芻靈者善謂為俑者不仁不殆於用人乎哉

喪地於仁

王伯厚云梁惠王喪地於秦七百里李氏曰初北地郡屬魏後盡為秦并喪於秦不止七百里也

比死者

公孫丑比化者皆与為同

省刑罰薄稅歛

中庸時使薄歛所以勸百姓也

管子省刑罰薄稅歛

左傳襄十六年仲尼曰施取其厚事奉其中歛從其

薄

易釋

易蓋與夷通平夷平易險夷古人通用召南我心則

夷小雅我心易也亦同左傳農夫去草芟夷蘊崇隱六年

周禮殺草夏夷之秋芟之雍氏大戴草可財也芟而

夷之四代易蓋芟易之易是舊說也

深字虛字則易又虛字易者難易之易也左傳云蔓

草難圖也蔓草猶不可除也易耨之易與此准字對
所謂易耨者除之於未長去之於未蔓故用功易也
夫耨者用功間歇則草葉生長荼蓼滋蔓難得而除
去矣其能用功者除諸未長未蔓故易也耕也欲其
深矣耨也欲其易矣農功修治如此

王請

王一字句請勿疑一句連讀王請則不成語也

左傳哀十五年衛莊公謂司徒瑞成曰寡人離病於

外久矣(子請亦嘗之)與此同例

仁者無敵

不公孫丑(無敵於天下者天吏也)

盡心(仁者無敵於天下)

離婁(盡心又云國君好仁天下無敵焉)

離婁孔子曰(仁不可為衆也)

望之不似人君

論語(望之儼然就之也温)

又云君子正其衣冠尊其瞻視儼然(人望而畏之斯不以威而不猛乎)

奔桓晉文

荀子仲尼之門人(五尺之豎子言羞稱乎五伯)仲尼
董子之言原于荀卿矣

保民

康誥古先哲王用康(保民)又云若(保赤子)惟(民)其
康又

周語富辰曰仁所以保民也

不忍殺觫隱其無罪

隱即惻隱不忍之心孟子又云先王有不忍人之心

斯有不忍人之政矣治天下可運之掌上

又云惻隱之心仁之端也苟能擴而充之足以保四

海惻隱不忍是仁心也擴充之則仁政行焉故曰是

心足以王

愛財

僖二十八年左傳魏犢傷于胃公欲殺之而愛(其材)

財材也尽心成德達(材)又作財左傳以五行(為五材)

而淮南子作五(財)材財同言可用之資也以為牛羊

之價則卑矣

遠庖厨

大戴於禽獸見其生不食其死聞其聲不嘗其肉故君子遠庖厨所以長恩且明有仁也保傳

賈誼新書禮聖王之於禽獸也見其生不忍見其死聞其聲不嘗其肉隱不忍也故遠庖厨仁之至也禮

秋毫

一說鳥獸之毛至秋而末銳原于堯典希革毳一說禾稼之毫芒

折枝

趙注折枝按摩折手節解罷枝也內則子婦事舅姑

問疾痛苛癢而抑搔之鄭注抑搔即按摩屈抑枝體後漢張皓王龔論云豈同折枝于長者以不為為難乎注按摩不為非唯劉峻廣絕交論折枝舐痔慮思道北齊論韓高之徒人皆折枝舐痔朝野僉載薛稷等舐痔折枝河附太平公主是皆按摩之是一說也唐陸善經音義折草木之枝晦庵先生從之是亦一說也然三代不聞瓶花之事草木之枝奚為長者乎為長者折枝草木之枝義極穩周必大陸筠孟音解云此書以折枝為磬折晉股洪武王韻牋亦有此說禮有磬折而枝与肢同腰肢也陶元亮曰折腰於鄉

里之小兒乎即折股也為長者折腰肢極為穩帖優
先兩說(北海)激海也齊之海也故左傳楚子使與齊
桓曰君處(北海)寡人處南海以齊境所在而言四書
後漢書張皓王龔論云々太子賢曰劉熙注孟子曰
折枝若今之按摩也
又王陽傳張敞奏詔曰敷仁德之政則海內攷觀實
有折枝之易而無狹山之難

蓋亦反其本

古書盍蓋闔三字通用

左傳莊三十二年圍入犖有力焉能投(盍)于稷門

蓋闔古字通用

荀子宥坐還復膽被九蓋皆繼楊注九當為北傳寫
誤耳被當為被蓋音盍扇戶也

公羊莊十二年宋萬臂擻仇牧碎其首齒著乎(門闔)
何注闔扇也

莊子天地夫子(闔)行邪狄文闔本亦作盍胡臘反
又徐無鬼(闔)不亦門是已 又則陽(闔)嘗舍之

檀弓子(蓋)言子之志於公乎 又然則(蓋)行乎
又四方於子乎觀礼子(蓋)慎諸

蓋與盍同何不也世儒誤為盍字非也

欲藏

公孫丑(藏)於其市曾子曰良賈深藏如虛藏者蓋畜其所沽之物也

五畝之宅樹之

食貨志種穀必雜五種以備災害(田中不得有樹用妨五穀)力耕教耘收穫如寇盜之主(選廬樹桑菜茄有畦瓜瓠果蔬殖於疆場)(鷄豚彘)(毋失其時)女修蚕織則五十可以衣帛七十可以食肉在(楚曰廬在邑曰里)

梁惠王下梁惠王下

其庶幾乎

左傳采其興乎其庶乎杜注其庶幾於興莊十年

又云鄭其庶乎注庶幾於興昭十六年

晉語晉其庶乎韋注庶幾興

好樂

困季純聞孟子疏謂齊王悅南郭先生吹竽喜鄒忌

鼓琴安知與衆樂之愚攷之史記騶忌以鼓琴見齊威王非宣王也唯南郭先生吹竽乃宣王時見韓非內儲說

疾首蹙頞

國風首疾(疾) 小雅首疾(首) 魏武頭(頭) 風蹙頞

莊子觸髅深頞蹙頞(至樂)

不同樂

上篇民欲与之偕亡雖有臺池鳥獸豈能獨樂哉之意

与百姓同樂

上篇古之人与民偕樂故能樂也下章樂民之樂者民亦樂其樂以天下然而不王者未之有也又云不与民同樂者亦非也皆与此同意

文王之囿

漢中常侍樂松對帝曰昔文王之囿百里人以為小齊宣五里人以為大

野客叢書世說樂松之語云齊五十里乃知非五里當時史文於五字下脫一十字

楊雄曰文王之囿百里齊宣王之囿四十里始至於境問國之大禁

曲禮入境而問禁入國而問俗入門而問諱

曾子君子不犯禁而入入境及郊問禁請命制言
又云君子入人之國不稱其詩不犯其業五事

畏天樂天

繫辭(樂天)知命故不憂

論語仁者不憂仁者樂天知命之人也

無逸(畏天)命自度

論語君子三畏(畏天)命

整旅

詩豳作旅毛公曰旅地名也鄭玄曰整其軍旅而出
以劫徂國之兵衆

寵之四方

助天道而愛非民也大象后以輔相天地之宜以左
右民

中庸贊天地之化育皆助上帝之義也

左傳助天為虐昭二年助上帝与助天同

雪宮

王伯厚云晏子春秋不謂齊侯見晏子于雪宮

同樂

三畧下畧有德之君以樂；人無德之君以樂；身樂人者久而昌，樂身者久而凶。

賈誼新書詩曰：君子樂胥，受人之祜，胥者相也。祜，大福也。天憂民之憂者，民亦憂其憂；樂民之樂者，民亦樂其樂。与士民若此者，受天之福矣。礼

邶 巡狩 流連荒亡

管子戒篇桓公問于管仲曰：我游犹軸轉解，南至邶。邶司馬曰：先王之游也，何謂也？管仲對曰：先王之游也，春出原農事之不本者，謂之游。秋出補人之不足者，謂之夕。夫師行而糧食其民者，謂之亡。從樂

而不反者，謂之荒。先王有游夕之業，人無荒亡之行。

于身桓公退再拜命曰：定法也。

太平御覽引逸礼文云：巡狩者何也？巡循也。狩收也。為天循行牧民也。

白虎通王者所以巡狩者何也？巡者循也。狩者收也。為天循收養民也。

諸侯

秦本紀魏公子勁、韓公子長為諸侯。索隱曰：別封之邑。比之諸侯，犹秦商君、趙商君、趙安君然。

孟嘗信陵諸君戰國稱為諸侯。齊景春秋之末既

已稱附庸之君縣邑之長以為諸侯也

又云封公子市死公子悝鄧魏冉陶為諸侯

方命虐民

堯典(方)命北族康誥大放(王)命方放古字通用

蜀志晉誥引古文尚書並作放(命)北族鄭康成謂(放)

棄君命是也矣蔡注圓則行方則止恐大穿鑿

左傳(君)(命)(師)(從)卿行旅從

流連荒亡

太康盤遊無度畋于有洛之表十旬不友

是留連之類

偽書五子之歌內作色荒外為(禽)荒

越語勾踐曰去年既少未有恆常出則(禽)荒入則酒

荒

襄四年左傳魏絳曰有窮后羿不修民事而(淫)于(原)

(獸)又虞箴云在帝夷羿(冒)于(原)(獸)忘其國恤而思

其塵壯

穀梁桓六年陳侯(熹)獵(淫)獵(于)蔡(與)蔡人爭禽

老子云馳聘田獵令人心發狂

皆孟子所謂荒也

五子之歌又云(甘)酒嗜音有一于此未或不凶

偽書胤征義和廢其職(酒荒于厥邑)

微子我用(沈)(醜)(干)(酒)用乱敗厥德于下

又云天毒降災荒殷邦方興(沈)(醜)(干)(酒)

酒誥越小大邦用喪亦罔非(酒)(惟)(辜)

皆孟子所謂亡也

畜君

昭十二年左傳昔穆王欲肆其心周行天下將皆必有車轍馬跡焉祭公謀父作(祈)(詔)之詩(以)(止)(王)(心)王是以獲没於祗宮

祭公畜穆王之肆欲謂之祈(召)晏子畜景公之縱

欲謂之徵招角招宋王招屈原之魂謂之大招

魂皆舜招梁之遺声也

招尚書論語作韶周礼作馨声音之招者也作招

為本

明堂

趙注明堂泰山明堂周天子東巡狩朝諸侯之處漢時遺址尚在是原于封禪書云初天子封太山東北趾古時有明堂處是也荀子亦云若是則雖為

之築明堂於塞外而朝諸侯使殆可矣強國塞外或
言四嶽之下也

明堂之制漢後儒者疑獄也考工記夏后氏世室殷
人重屋同人明堂度九尺之筵東西九筵南北七筵
堂崇一筵五室九室二筵大戴明堂者古有之也九
九室一室而有四戶八牖三十六戶七十二牖以茅
蓋屋上圓下方明堂又云堂高三尺東西九筵南北
七筵上圓下方九室十二堂室四戶二牖其宮方
三百步在近郊今上呂覽明堂
茅茨蒿柱土階三等以見節儉類公玉帶黃帝時

明堂圖中有殿四面無壁以茅蓋通水 宮垣為複
道上有樓從西南入命曰昆崙對禪書月令孟夏之
月天子居明堂在仲夏之月天子居明堂大廟季
夏之月天子居明堂右介明堂位魯大廟天子明
堂者文王之廟也鄭玄亦曰文王廟為明堂制盧植
禮記蔡邕月令論穎子客春秋秋例清廟大廟明堂
靈臺大學辟廱 為一諸說紛然在今日不知其詳
也大戴明堂或以為明堂文王之廟也外水曰辟
雍政穆大學明堂之東序盧蔡之徒合六為一大戴
為之備矣

明堂之用孝經云宗祀文王於明堂以配上帝樂記云祀乎明堂而民知孝詩序云我將祀文王于明堂也尸子云昔武王崩成王少周公踐東宮祀明堂者為天子左傳周志有之勇則害上不登於明堂是皆言祭祀孟子曰夫明堂者王者之堂也王欲行王政則勿毀之矣明堂位云昔時周公朝諸侯于明堂之位天子負斧依南鄉而立荀子曰築明堂而朝諸侯鄭玄注考工記云明堂者明政教之堂也穎子容曰告朔行政謂之明堂楊倞注荀子曰明堂天子布政之宮是皆言朝覲政教

明堂之名明堂位云明堂也者明諸侯尊卑也明堂云明堂者所以明諸侯之尊卑此說恐非古下明字多神明与明潔之義戴記明器鬼神也其曰明器神明之也禮記銘明旌也注神明之旌同上是以神明得名若夫同礼明水明火大司寇明齊明燭司烜氏小雅采芣楚茨戴記曲礼明的魯論齊必有明衣鄉黨周書曰明禋洛誥是皆明潔之義凡祭具取清明明潔之義明酌即詩所謂清酒清曹鄭玄曰名曰明神明之也夫明器明旌喪葬所用始死之時故神明之以神明稱之至於祭具猶何有稱神明乎且明采

明酌解為神之酒則至于梁明室而本通故是梁之
明潔者而左傳潔梁豐盛也明衣齊者所服若為神
明之服則与周礼守桃先王之遺衣服混可乎故是
亦明潔之服然則明堂之明亦取於清明之潔与清
廟之清同其曰明尊卑曰明政教犹逸礼白虎通以
巡守為循收也非称呼之正義也
關譏而不征澤梁無禁

大戴昔明王關譏而不征市廊而不稅十取一使民
之力歲不過三日入山澤以時有禁而無征此六者
取財之路也 五言 **王制**獺祭魚然後虞人入澤梁古

者公田籍而不稅市廛而不稅關譏而不征林麓川
澤以時入而不禁又云關執禁以譏禁異服譏異言
注譏呵祭

管子使稅者百一鍾孤幼不刑澤梁時縱關譏而不
稅市廛而不賦

荀子田野什一關市幾而不征山林澤梁以時禁法
而不稅

晏子春秋關市省私山林陂澤不專其利

又云關市省征陂澤不禁

又云關市譏而不征耕者十取一焉

世祿 罪人不孥

昭二十年公羊君子之善也長惡也短惡止其身善及子孫

偽書大禹謨罰弗及嗣賞延于世仕者世祿善之長也賞延于世也罪人不孥惡之短也罰弗及嗣也

畢命世祿之家解克由礼 左傳叔孫穆子曰此之謂世祿不是不朽

鰥寡孤獨

礼記玉制少而無父者謂之孤老而無子者謂之獨

老而無妻者謂之矜老而無夫者謂之寡此四者天民之窮而無告者也

逸周書老弱疾病孤子寡獨惟政所先

左傳襄二十五年齊崔杼生成及強而寡注偏喪

曰寡特也是以老而無妻為寡此等字義本無一定之理

故國

隱元年先王之制大都不過參國之一

在國謂市井之臣在野謂草莽之臣

世祿

公孫丑故家遺俗流風善政

識不文

臯陶讓都在知人 又云知人則哲能官人

踰貴踰戚

荀子君道夫文王非無貴戚也非無子弟也非便辟也倜然乃舉太公於別人而用之

成湯舉伊尹於畎畝之中武丁舉傅說於板築之

間

左右皆曰賢云々

衛靈公

子曰衆惡之必察焉衆好之必察焉

臯陶

天聰明自我民聰明天明威自我民明威

民父母

論語唯

(仁)者能好人能惡人

大字此謂唯

(仁)人為能愛人能惡人

表記君子

所謂(仁)者其唯乎詩云凱弟君子(民之)父

(母)

一夫紂 原于泰誓獨夫受

荀子議兵湯武之誅桀紂也若討(獨)夫故泰誓曰獨

夫紂此之謂也

又正論論湯武放伐曰誅暴國之君若討獨夫

正論：湯武誅桀紂極詳明矣蓋繼孟子之遺意者也

齊人伐燕勝之

黃震曰晦庵以孟子以伐燕為宣王時事與史記荀子等書不合按史記齊伐燕有二事齊宣王先嘗伐燕之文王卒易王初立齊宣王因燕喪伐之取十城是即孟子梁惠王篇所載問答稱齊宣王者也此事

也稱宣王者孟子作於宣王已改謚稱而趙岐注亦稱齊宣王也齊湣王後又伐燕燕王噲以燕與子之齊伐燕下燕七十城是即孟子公孫丑篇所載沈同問燕可伐與者也此又一事也止稱齊王者作孟子時湣王尚在未有謚之可稱趙岐注亦止稱王也燕噲遜國在齊宣王卒後九年湣王伐燕噲非齊宣王甚明湣王在位四十年孟子不及見湣王卒故孟子書自公孫丑篇後凡涉齊事皆止稱王

人力不至於此不取必有天殃

不奪人之國有何殃咎乎孟子曰無之為而為者天

也莫之致而至者命也又云子賢不肖天也非人之
所能為也又云行止非人所能也天也故朱儒言人
事盡處是天人力不至於此之下含蓄是天之與也
一句五字史記云天與不取還受其咎泰誓云予弗
順天厥罪惟均故曰不取必有天殃不精文理則不
能解經也

天下信之

滕文公為其殺是童子而征之四海之內皆曰非高
天下也為匹夫匹婦復讎也 是天下信之也

若時雨降民大悅

荀子議兵彼仁者愛人 故惡人之害之也義者
循理 故惡人之亂之也彼兵者所以禁暴也除
害也非爭奪也故仁人之兵所存者神所過者化若
時雨之降莫不說喜

間於齊楚

春秋正義滕三十一世為楚所滅杜氏釋例春秋後
六世而齊滅之 國策宋王偃滅滕代薛

世守效死

世祀國君死社稷 **春秋繁露** 國滅君死之正也

天子適諸侯曰巡狩 者巡所守也

王藻諸侯之於天子曰某土之守臣某

平公將出

桓十八年公將有行遂與姜氏如齊

事與此同例

樂正克勸平公就見孟子預知小人沮之故秘其事不使外間知也其用意如此然不能免小人之

沮讓

三鼎五鼎

主父偃傳大夫生不五鼎食死則五鼎亨耳 張晏曰

五鼎食牛羊豕魚麋也 諸侯五卿大夫三

棺椁衣衾之美

公孫丑下孟子自齊葬於魯克虞請曰木若以美然

棺椁之美門人且猶疑之宜矣夫小人之讓也

檀弓子游問喪具夫子曰稱家之有無

又孔子曰飲手足形還葬而無椁稱其財斯之謂禮

又子思曰吾聞之有其禮無其財君子弗行也

葬禮從家之貧富聖人之道也

行或使之以下

子路子曰道之不行也与命也道之將發也与命也

公伯寮其如命何

詩彼閻之子

隱三年終武此之子來永聘

一使仍叔之子來聘


一殆庶幾乎

十有八載非人之所能為也天也

其不肖昔天也非人之所能為也莫之

也莫之致而至者命也

公孫丑下夫天未欲平治天下也如欲平治天下當



今之世舍我其誰也吾何為不豫哉

孟子之不遇天未欲平治也非人力之可預也

行或使之以下

子路子曰道之不行也与命也道之将發也与命也

公伯寮其如命何

詩彼閻之子去隱三年經武比之子來來聘

桓五年經天王使仍叔之子來聘不小人之子來聘

陽顏氏之子其殆庶幾乎

萬章舜相堯二十有八載非人之不能為也天也

又云其子之賢不肖皆天也非人之不能為也莫之

為而為者天也莫之致而至者命也

公孫丑下夫天未欲平治天下也如欲平治天下當

今之世舍我其誰也吾何為不豫哉

孟子之不遇天未欲平治也非人力之可預也

